

029 太上洞玄靈寶淨土

生神經^①（敦煌本）

經名：太上洞玄靈寶淨土生神經。撰人不詳，約出於南北朝。言修積功德往生淨土。一卷。《正統道藏》未收。《道藏缺經目錄》著錄。底本出處：敦煌P.2383號抄本。參校：P.2401V、P.4703號殘抄本。

元始天尊，時在龍羅世界香積國中九華雲殿，坐大蓮花，與十方聖衆、无量國人，大會說法，一百日中，不起于座。天下天上，若有識若无識，无量衆生，悉皆離苦，獲沾利益，悟身浮假，不淨臭穢。念念无常，入深妙定，捨諸結縛，能悟真道，迴發善心，一意歸向，專誠不退。元始天尊，大悲觀惠，平等教化，皆使悟解，會真常境，證果无爲。

天尊凝神反^②景，將歸常樂空寂福堂，忽有弃賢世界十華仙等，五百四十人，同時合掌，首體投地，上白天尊：弟子等各從无量劫來，輪轉生死，因緣運會，得遇天尊。今日之慶，實爲无量，不可思議。然弟子等雖叨仙品，諸漏未盡，常恐輪轉，未免生死。此別天尊，動經萬劫，莫知後會，定在何時。欲有諮問，懼觸尊顏，特願大慈，少垂開宥。

天尊告曰：汝等累劫發心，雖學仙道，而未入大乘，致今仙位既不登上境，實未免死生。一與我別，萬劫難遇，汝今有問，正是其時。宜各安心，勿懷憂懼。是諸仙等稽首叩頭，白天尊曰：當隨天尊教化，見十方國土，男女清淨，快樂无爲；復見十方國土，男女臭穢，憂惱百端。未審修何行業，得此清淨，形容端正；作何行業，受此臭穢，煩惱纏身。伏願天尊賜垂分別，明示將來。

天尊告曰：罪福无門，唯人所召，善惡報對，皆自尔身。若修善行，即得

生淨土，形容端正，受命長遠。若造惡作罪，便居穢土，形容醜陋，年命夭傷。善惡因緣，皆由身造，諒不從他。汝等諦聽，當解說。

天尊告曰：夫人生時，建大功德，修諸行業，過去隨願，得生淨土，自在无爲。凡諸功德，總有五種，攝衆福門。

一者說法功德。謂常以天尊三洞經法，教化衆生，善巧方便，隨其根性，上中下品，稟識愚智，利鈍平人，或廣或略，譬喻權實，咸令開悟，使入正真，見世人天，保護一切，尊崇過去，得生諸天，或聰明智惠，爲大法師。

二者布施功德。謂捨身命財，无有吝惜，有四種緣。一者內施，謂頭目髓腦，手足毛髮，以用布施，飢鷹餓虎，毒蛇猛獸，諸親異類，隨其所欲，乞頭與頭，乞目與目，乞身與身，乞手與手，无所愛惜，救濟衆生。二者外施，復有四種緣。一者慈施，謂飢寒老病，囚徒餓狗，貧窮困乏，大設悲田，施衣及食，隨其所須，以用布施，拯救人民。二者

法施，謂修營靈觀，造像寫經，靡花鍾

一切，故曰布施。

磬，香油法具，齋誠常住，供養三寶，種

三者建立功德。謂建立營造，作

種所須。三者難施，謂國城妻子，人共

過去未來三世，歸依一切係想，凡有十

愛重，過於身命，布施為難，能知一切

五種，隨分發心。一者造諸靈觀。聖

萬法，並是无常，妻子國城，暫時依倚，

真仙迹，玄壇精舍，殿堂樓閣，師房廓

因緣運會，不久分張，悟身浮虛，本來

字，臺榭庭苑，周匝具足，使永劫常存。

无我，況其妻子，寄託因緣，以用布施，

二者造諸形像。三世十方天尊、太上

不生憐惜，捨其難捨，不可思議。四者

聖真仙品、金剛力士、玉童玉女、護法

易施，謂車馬僮僕，衣服飲食，金銀繒

神王，鑄金刻玉，銅鐵木石，繡畫泥瓦，

綵，米麥器具，皆是浮託，易可捨弃，是

隨其所堪，莊嚴彫飾，相好員滿，使一

為易施，普及一切，不擇聖凡。以此四

切歸依。三者造諸經法。三洞七部、

者，復為廿種。一者以身布施，二者以

聖真仙傳、符圖方法、記頌讚述，紙素

力布施，三者以妻子布施，四者以國城

簡碣，莊黃輜軸，勘校刊定，流通讀誦，

布施，五者以園宅布施，六者以僮僕布

教化人天。四者造諸帳座，大小高下，

施，七者以車馬布施，八者以衣服布

隨時莊飾，使得精華。五者造諸靡花，

施，九者以器物布施，十者以珍寶布

金銀珠玉，繡畫彫鏤，結縷織成，任力

施，十一者以繒綵布施，十二者以米麥

所辦，供養三尊。六者造諸幢旛旌節

布施，十三者以材木布施，十四者以香

車輿，九光七寶，沈水旃檀，精麗微妙，

油布施，十五者以飲食布施，十六者以

以備威儀。七者造諸香鑪，花盤燭擎，

音樂布施，十七者以花藥布施，十八者

金銀銅鐵，玉石瓦木，隨分所有，不闕

以法服布施，十九者以法具布施，廿者

所須。八者造諸床座，氈褥茵席，因時

以威勢布施。凡廿事，攝布施門。以

所出，皆使精新。九者造諸經藏，函籠

謂為布施者，布謂遍布无窮，施謂施與

箱匣，畫繪彫飾，金銀莊校，安置寶經，

令不穢雜。十者造諸巾帕袈服，綾羅

綿綺，三色五色，悉令香潔，敷設座前。

十一者造諸几案，經架夾膝，香檀文

木，彫鏤隱起，各盡一時，供養經像，及

以出家。十二者造諸鍾磬，金銀銅鐵，

玉石等輩，大小隨時，使晝夜恒鳴，遠

近歸向，長充法器，永劫福田。十三者

造諸器物，盤盃盤椀，盆瓮釜鑊，常以

供養，齋誠所須，勿使乏少，功德難思。

十四者造諸几杖，澡灌坐褥，齋器巾

帕，供給出家，无量福田。十五者造諸

法服，巾冠履屨，衣服卧具，繩床之屬，

布施十方出家法身。凡十五者，過去

未來，功德巍巍。

四者救濟功德。謂諸人王，及以

凡庶，虫魚鳥獸，有眾危苦，皆當扶護，

為作福田，必令安隱，不使憂惱，其福

无量，不可思議。五者智惠功德。謂

常以智惠安樂眾生，使諸人天皆歸善

道，永離苦獄，長處福堂。所以名為功

德者，常行不倦謂之功，功遍一切謂之

德。凡此五者，恒發一十六願，大啓善

心。一為天地，願永劫常存。二為日

月，願光明普照，三爲星辰，願恒依分度。四爲山海，願鎮泄泉源。五爲人王，願長守國土。六爲宰輔，願位祿恒安。七爲九玄，願克生淨土。八爲父母，願永保天齡。九爲兄弟，願行仁孝。十爲姊妹，願守清貞。十一爲親緣，願皆和穆。十二爲天下，願悉安寧。十三爲三塗，願離楚毒。十四爲一切，願各生成。十五爲己身，願與經道相遇。十六爲法界，願三洞流通。若能常行勿倦，使一切歸依，過去未來，克登淨土。

行業者，謂常淨三業，清蕩六根，行道誦經，持齋禮拜，燒香發願，懺悔然燈，奉誠散花，放贖生命，不殺不盜，不淫不妒，不憎不妒，不貪不欲。常爲國主人王，及以妃后，大臣宰輔，諸王子弟，公侯牧伯，天下人民，三塗五苦，餓鬼畜生，常建百座，召諸大德法師，及以明達有善心者，講說三十六部尊經，无上妙旨，開悟一切，晝夜不倦，燒香散花，然燈照夜，助天光明，道邊立井，種菓作屋，建造橋梁，拯救勞苦，无

輟須臾。以此爲業，勤苦行之，故日行業。

諸仙稽首問曰：衆生劣弱，力所不堪，未審有何要法，得生淨土。天尊告曰：若善男子善女子，但能造我形像，讀誦此經，晝夜禮拜，憶念在心，即得往生。若依前脩行，諸惡不犯，諸天下降，白日登天。

諸仙又曰：衆生愚迷，耽著世事，而不能依天尊教命。未審臨命終時，及已亡後，作何功德，隨願往生。天尊告曰：若當來男女，臨終之時，先當懺悔一生已來无量重罪，次爲受誡，設齋行道，造像寫經，及諸功德，布施常住，供養出家，各隨分力，唯多爲佳。閉眼之日，即生淨土，不入三塗。若已亡之後，當爲建黃錄、明真、五練等行道，從初一日，乃至百日。造幡造像，寫經燃燈，隨日計數，晝夜禮拜，誦經懺悔，燒香散花。又以生時衣服卧具，車馬僮僕，金銀珠玉，綾羅錦綺，資用財物，分爲一十七分。布施一分，修營靈觀，玄壇精舍，殿堂樓閣，房廊屋宇，一分造

諸天尊、聖真仙像；一分寫諸經教；一分陪諸常住；一分供齋中所須；一分施諸持誡，及山林學道；一分供養出家，服飲食湯藥所須；一分入諸鍾磬；一分造諸幡花；一分供諸帳座；一分以給香油；一分給濟囚徒；一分施諸貧窮老病；一分救贖生命；一分施諸悲田；一分營造橋梁道路，一分无礙布施。如此分別布施，克得生神淨土，福祐見存。凡諸灾厄疾病，造諸福田，此爲第一不可思議。今爲汝等具說，十方淨土福德之處。是諸男女，隨願往生。

天尊曰：東方淨土仁愛世界，福德莊嚴，微妙第一，自然化出寶臺寶殿，寶樓寶閣，皆以九色青玉莊嚴，內外洞徹，不可思議。玉寶皇天尊，常處九光瓊殿，坐九色寶蓮，講說三洞无上經典，教化國中。復有慈上真人，慈惠真人，慈悲真人，慈愛真人，慈善真人，慈德真人，慈明真人，慈等真人，慈覺真人，慈濟真人，恒問難諮請，開度衆生。又有九華童子，九光童子，九合

童子，九色童子，九真童子，九仙童子，九重童子，九明童子，九靈童子，九成童子，常誦經行道，持齋禮拜，勸說人民。又有青華玉女，青宮玉女，青要玉女，青靈玉女，青蓮玉女，青芝玉女，青光玉女，青元玉女，青明玉女，青城玉女，常散花燒香，歌詠讚歎，供養天尊。又有善力金剛，善威金剛，善勝金剛，善迹金剛，善生金剛，善化金剛，善福金剛，善道金剛，善忍金剛，善惠金剛，常護國土，保佑人民，降魔伏鬼，益筭延年。又有仁德神王，仁菓神王，仁威神王，仁智神王，仁遠神王，仁勝神王，仁惠神王，仁明神王，仁安神王，仁敬神王，常制斷妖精，驅除溫癘，守護境界，消弭邪魔。又有保國將軍，保齡將軍，保命將軍，保筭將軍，保民將軍，保土將軍，保勝將軍，保威將軍，保成將軍，保信將軍，常領神仙兵馬九億萬眾，辟斥兇渠，清淨寇沓，保護人民。國中男女，年命長遠，无有夭傷。若男女臨終，神生淨土，眾聖來迎。

天尊曰：東南方淨土慈和世界，

福德莊嚴，微妙第一，自然化出寶臺寶殿，寶樓寶閣，皆以一色碧玉莊嚴，內外洞徹，不可思議。好生度命天尊，常處四明寶殿，坐四轉花臺，講說三洞无上經典，教化國中。復有明上真人，明惠真人，明德真人，明道真人，明寶真人，明智真人，明法真人，明玉真人，明相真人，明空真人，常問難諮請，開度眾生。又有真一童子，真靈童子，真相童子，真空童子，真上童子，真惠童子，真智童子，真際童子，真元童子，真道童子，常誦經行道，持齋禮拜，勸說人民。又有飛空玉女，飛香玉女，飛玄玉女，飛雲玉女，飛靈玉女，飛烟玉女，飛華玉女，飛蓋玉女，飛青玉女，飛金玉女，常散花燒香，歌詠讚歎，供養天尊。又有遊玄金剛，遊空金剛，遊上金剛，遊真金剛，遊虛金剛，遊雲金剛，遊仙金剛，遊神金剛，遊遠金剛，遊靈金剛，常護國土，保佑人民，降魔伏鬼，益筭延年。又有智山神王，智精神王，智果神王，智明神王，智忍神王，智力神王，智威神王，智遠神王，智勝神王，智德

神王，常制斷妖精，驅除溫癘，守護境界，消弭邪魔。又有通明將軍，通遠將軍，通達將軍，通天將軍，通靈將軍，通德將軍，通真將軍，通道將軍，通惠將軍，通光將軍，常領神仙兵馬一十三萬眾，辟斥兇渠，清蕩寇沓，保護人民。國中男女，年命長遠，无有夭傷。若男女臨終，神生淨土，眾聖來迎。

天尊曰：南方淨土禮教世界，福德莊嚴，微妙第一，自然化出寶臺寶殿，寶樓寶閣，皆以三色紅寶莊嚴，內外洞徹，不可思議。玄真萬福天尊，常處三光明殿，坐三色蓮花，講說三洞无上經典，教化國中。復有太陽真人，太明真人，太虛真人，太元真人，太空真人，太光真人，太上真人，太皇真人，太清真人，太一真人，常問難諮請，開度眾生。又有火光童子，火上童子，火焰童子，火烟童子，火花童子，火玉童子，火照童子，火山童子，火鏡童子，火龍童子，常誦經行道，持齋禮拜，勸說人民。又有浮空玉女，浮香玉女，浮雲玉女，浮烟玉女，浮靈玉女，浮玄玉女，浮

清玉女，浮霄玉女，浮輪玉女，浮明玉女，常散花燒香，歌詠讚歎，供養天尊。又有獨見金剛，獨立金剛，獨坐金剛，獨行金劍，獨輪金剛，獨光金剛，獨相金剛，獨力金剛，獨明金剛，獨照金剛，常護國土，保佑人民，降魔伏鬼，益筭延年。又有禮照神王，禮上神王，禮空神王，禮明神王，禮正神王，禮讓神王，禮惠神王，禮智神王，禮安神王，禮道神王，常制斷妖精，驅除溫癘，守護境界，消弭邪精。又有大力將軍，大智將軍，大勝將軍，大威將軍，大明將軍，大惠將軍，大集將軍，大義將軍，大煞將軍，大德將軍，常領神仙兵馬三億萬衆，辟斥兇渠，清蕩寇沘，保護人民。國中男女，年命長遠，无有天傷。若男女臨終，神生淨土，衆聖來迎。

天尊曰：西南方淨土威範世界，福德莊嚴，微妙第一，自然化出寶臺寶殿，寶樓寶閣，皆以一色黃玉莊嚴，內外洞徹，不可思議。大靈虛皇大尊，常處黃玉寶殿，坐千葉蓮花，講說三洞无上經典，教化國中。復有素靈真人，

素華真人，素德真人，素元真人，素明真人，素玄真人，素雲真人，素誠真人，素貞真人，素寶真人，常問難諮請，開度衆生。又有黃靈童子，黃上童子，黃元童子，黃玉童子，黃雲童子，黃素童子，黃常童子，黃明童子，黃華童子，黃宮童子，常誦經行道，持齋禮拜，勸說人民。又有雲華玉女，雲宮玉女，雲開玉女，雲房玉女，雲光玉女，雲臺玉女，雲裳玉女，雲中玉女，雲成玉女，雲庭玉女，常散花燒香，歌詠讚歎，供養天尊。又有揮靈金剛，揮劍金剛，揮幢金剛，揮戈金剛，揮神金剛，揮玄金剛，揮空金剛，揮魔金剛，揮刀金剛，揮雲金剛，常護國土，保佑人民，降魔伏鬼，益筭延年。又有伏鬼神王，伏邪神王，伏魔神王，伏兇神王，伏毒神王，伏非神王，伏獸神王，伏虎神王，伏龍神王，伏妖神王，常制斷邪精，驅除溫癘，守護境界，消弭邪魔。又有冠威將軍，冠山將軍，冠海將軍，冠武將軍，冠獸將軍，冠邪將軍，冠玉將軍，冠金將軍，冠天將軍，冠靈將軍，常領神仙兵馬一十三

萬衆，辟斥兇渠，清蕩寇沘，保護人民。國中男女，年命長遠，无有天傷，若男女臨終，神生淨土，衆聖來迎。

天尊曰：西方淨土義讓世界，福德莊嚴，微妙第一，自然化出寶臺寶殿，寶樓寶閣，皆以七色白玉莊嚴，內外洞徹，不可思議。太妙至極天尊，常處七寶雲殿，坐大金床，講說三洞无上經典，教化國中。復有寶玄真人，寶首真人，寶光真人，寶愛真人，寶相真人，寶德真人，寶明真人，寶華真人，寶惠真人，寶雲真人，常問難諮請，開度衆生。又有金光童子，金華童子，金首童子，金相童子，金冠童子，金印童子，金真童子，金英童子，金芝童子，金香童子，常誦經行道，持齋禮拜，勸說人民。又有洞明玉女，洞光玉女，洞神玉女，洞玄玉女，洞真玉女，洞仙玉女，洞虛玉女，洞靈玉女，洞華玉女，洞天玉女，常散花燒香，歌詠讚歎，供養天尊。又有望雲金剛，望山金剛，望月金剛，望遠金剛，望日金剛，望空金剛，望仙金剛，望天金剛，望風金剛，望氣金剛，常

護國土，保祐人民，降魔伏鬼，益筭延年。又有乘雲神王，乘風神王，乘虛神王，乘龍神王，乘虎神王，乘日神王，乘月神王，乘烟神王，乘獸神王，乘山神王，常制斷妖精，驅除溫癘，守護境界，消弥邪魔。又有馭虎將軍，馭龍將軍，馭風將軍，馭雲將軍，馭氣將軍，馭日將軍，馭月將軍，馭空將軍，馭邪將軍，馭天將軍，常領神仙兵馬七億萬衆，辟斥凶渠，清蕩寇沘，保護人民。國中男女，年命長遠，無有夭傷。若男女臨終，神生淨土，衆聖來迎。

天尊曰：西北方淨土成化世界，福德莊嚴，微妙第一，自然化出寶臺寶殿，寶樓寶閣，皆以八色縹玉莊嚴，內外洞徹，不可思議。无量大華天尊，常處八霞花殿，坐耀天鳳臺，講說三洞无上經典，教化國中。復有无上真人，无等真人，无爲真人，无名真人，无畏真人，无色真人，无相真人，无形真人，不染真人，无量真人，常問難諮請，開度衆生。又有清靈童子，清明童子，清虛童子，清玄童子，清源童子，清通童子，

清上童子，清淨童子，清和童子，清正童子，常誦經行道，持齋禮拜，勸說人民。又有元靈玉女，元明玉女，元華玉女，元真玉女，元貞玉女，元首玉女，元皇玉女，元上玉女，元和玉女，元初玉女，常散花燒香，歌詠讚歎，供養天尊，又有振威金剛，振武金剛，振勇金剛，振力金剛，振明金剛，振山金剛，振海金剛，振天金剛，振惠金剛，振德金剛，常護國土，保祐人民，降魔伏鬼，益筭延年。又有高天神王，高上神王，高明神王，高虛神王，高靈神王，高觀神王，高山神王，高遠神王，高惠神王，高視神王，常制斷妖精，驅除溫癘，守護境界，消弥邪魔。又有宣道將軍，宣明將軍，宣威將軍，宣力將軍，宣德將軍，宣惠將軍，宣遠將軍，宣勇將軍，宣成道將軍，宣武道將軍，常領神仙兵馬一十二萬衆，辟斥兇渠，清蕩寇沘，保護人民。國中男女，年命長遠，无有夭傷。若男女臨終，神生淨土，衆聖來迎。

天尊曰：北方淨土智德世界，福德莊嚴，微妙第一，自然化出寶臺寶

殿，寶樓寶閣，皆以五色玄玉莊嚴，內外洞徹，不可思議。玄上玉晨天尊，常處五雲華殿，坐五明寶花，講說三洞无上經典，教化國中。復有玄靈真人，玄一真人，玄明真人，玄元真人，玄德真人，玄通真人，玄冥真人，玄上真人，玄和真人，玄覺真人，常問難諮請，度開衆生。又有月光童子，月相童子，月愛童子，月香童子，月上童子，月滿童子，月惠童子，月淨童子，月明童子，月智童子，常誦經行道，持齋禮拜，勸說人民。又有香雲玉女，香烟玉女，香燈玉女，香積玉女，香山玉女，香園玉女，香花玉女，香林玉女，香光玉女，香印玉女，常散花^①燒香，歌詠讚歎，供養天尊。又有護意金剛，護身金剛，護法金剛，護印金剛，護命金剛，護力金剛，護國金剛，護壇金剛，護香金剛，護善金剛，常護國土，保祐人民，降魔伏鬼，益筭延年。又有守道神王，守印神王，守法神王，守壇神王，守善神王，守香神王，守護神王，守堂神王，守德神王，守衛神王，常制斷妖精，驅除溫癘，守護

境界，消弥邪魔。又有制邪將軍，制兇將軍，制鬼將軍，制魔將軍，制非將軍，制煞將軍，制威將軍，制神將軍，制武將軍，制力將軍，常領神仙兵馬五億萬衆，辟斥兇渠，清蕩寇沚，保護人民。國中男女，年命長遠，无有天傷。若男女臨終，神生淨土，衆聖來迎。

天尊曰：東北方淨土智積世界，福德莊嚴，微妙第一，自然化出寶臺寶殿，寶樓寶閣，皆以十色紺玉莊嚴，內外洞徹，不可思議。度仙上聖天尊，常處六合寶殿，坐六合玄臺，講說三洞无上經典，教化國中。復有等愛真人，等上真人，等慈真人，等相真人，等明真人，等照真人，等惠真人，等智真人，等觀真人，等覺真人，常問難諮請，開度衆生。又有救苦童子，救命童子，救厄童子，救危童子，救難童子，救度童子，救善童子，救濟童子，救法童子，救護童子，常誦經行道，持齋禮拜，勸說人民。又有福堂玉女，福德玉女，福集玉女，福成玉女，福林玉女，福上玉女，福智玉女，福惠玉女，福山玉女，福淨玉

女，常散花燒香，歌詠讚歎，供養天尊。又有断邪金剛，断愛金剛，断見金剛，断畏金剛，断鬼金剛，断或金剛，断郭金剛，断疑金剛，断魔金剛，断力金剛，常護國土，保佑人民，降魔伏鬼，益筭延年。又有禦兇神王，禦邪神王，禦非神王，禦煞神王，禦魔神王，禦毒神王，禦虎神王，禦獸神王，禦靈神王，禦寇神王，常制断妖精，駭除温癘，守護淨土，消弥邪魔。又有建節將軍，建旆將軍，建旗將軍，建鐘將軍，建鼓將軍，建武將軍，建勝將軍，建符將軍，建幢將軍，建麾將軍，常領神仙兵馬一十二萬衆，辟斥兇渠，清蕩寇沚，保護人民。國中男女，年命長遠，無有天傷。若男女臨終，神生淨土，衆聖來迎。

天尊曰：上方淨土无量世界，福德莊嚴，微妙第一，自然化出寶臺寶殿，寶樓寶閣，皆以萬種莊嚴，內外洞徹，不可思議。玉虛明皇天尊，處萬寶光明雲殿，坐萬種清淨寶花，講說三洞无上經典，教化國中，復有紫虛真人，紫房真人，紫臺真人，紫微真人，紫府

真人，紫靈真人，紫華真人，紫陽真人，紫清真人，紫元真人，常問難諮請，開度衆生。又有上靈童子，上玄童子，上元童子，上虛童子，上空童子，上仙童子，上真童子，上智童子，上相童子，上德童子，常誦經行道，持齋禮拜，勸說人民。又有景華玉女，景雲玉女，景上玉女，景明玉女，景虛玉女，景光玉女，景陽玉女，景玄玉女，景靈玉女，景相玉女，常散花燒香，歌詠讚歎，供養天尊。又有自在金剛，自達金剛，自惠金剛，自力金剛，自智金剛，自德金剛，自明金剛，自成金剛，自通金剛，自照金剛，常護國土，保佑人民，降魔伏鬼，益筭延年。又有有智神王，有力神王，有惠神王，有威神王，有相神王，有德神王，有靈神王，有畏神王，有見神王，有通神王，常制断妖精，驅除温癘，守護境界，消弥邪魔。又有天大將軍，天力將軍，天威將軍，天上將軍，天通將軍，天光將軍，天智將軍，天靈將軍，天菓將軍，天盖將軍，常領神仙兵馬，天丁力士百億萬衆，保護國土，滅滅精邪。

國中男女，與天同年。若男女臨終，神生淨土，衆聖來迎。

天尊曰：下方淨土載德世界，福德莊嚴，微妙第一，自然化出寶臺寶殿，寶樓寶閣，皆以百寶莊嚴，內外洞徹，不可思議。中黃洞淵天尊，常處百寶虛明靈殿，坐百變洞耀蓮花，講說三洞无上經典，教化國中。復有中黃真人，中明真人，中天真人，中華真人，中臺真人，中元真人，中仙真人，中靈真人，中玄真人，中輝真人，常問難諮請，開度衆生。又有光明童子，光華童子，光相童子，光惠童子，光遠童子，光耀童子，光道童子，光靈童子，光滿童子，光虛童子，常誦經行道，持齋禮拜，勸說人民。又有妙香玉女，妙花玉女，妙靈玉女，妙勝玉女，妙雲玉女，妙真玉女，妙仙玉女，妙安玉女，妙玄玉女，妙月玉女，常散花燒香，歌詠讚歎，供養天尊。又有橫天金剛，橫□^⑧金剛，橫山金剛，橫威金剛，橫風金剛，橫靈金剛，橫勝金剛，橫遠金剛，橫越金剛，橫蓋金剛，常護國土，保佑人民，降魔伏

鬼，益筭延年。又有案劍神王，案節神王，案武神王，案旆神王，案戟神王，案麾神王，案寇神王，案鉞神王，案虎神王，案幢神王，常斷妖精，驅除溫癘，守護境界，消弥邪魔。又有周天將軍，周□^⑨將軍，周鉞將軍，周正將軍，周捍將軍，周衛將軍，周成將軍，周庭將軍，周遠將軍，周通將軍，常領神仙兵馬，天丁力士百億萬衆，保護國土，滅滅精邪。國中男女，隨劫終始。若男女臨終，隨願往生。

天尊曰：十方淨土，國界莊嚴，福力自在，山林草木，皆異世間，臺閣殿堂，不同凡界。各有浮雲之觀，大道之觀，獻壽之觀，萬壽之觀，昌樂之觀，弘道之觀，至真之觀，昌國之觀，啓聖之觀，集靈之觀，薦福之觀，道德之觀。靜念之樓，燒香之樓，望仙之樓，浮空之樓，四明之樓，九華之樓，長命之樓，香風之樓，通明之樓，照虛之樓，定志之樓，靜意之樓。延真之臺，舞鳳之臺，飛龍之臺，散花之臺，結香之臺，集聖之臺，空明之臺，九光之臺，六合之

臺，霄靈之臺，萬福之臺，念真之臺。凝靈之閣，祥鸞之閣，飛香之閣，澄真之閣，凝仙之閣，化生之閣，安壽之閣，保齡之閣，長壽之閣，存真之閣，知神之閣，練心之閣。八真之宮，十輪之宮，光明之宮，洞陽之宮，青元之宮，玉華之宮，金精之宮，興靈之宮，寶運之宮，自然之宮。萬歲之殿，寒靈之殿，紫霞之殿，福德之殿，興聖之殿，安樂之殿，逍遙之殿，千香之殿，百寶之殿，通神之殿，明相之殿，說法之殿。无爲之堂，迎真之堂，九合之堂，華月之堂，萬寶之堂，十靈之堂，常樂之堂，自在之堂，香玉之堂，紫瓊之堂，洞玄之堂，萬華之堂。紫翠之房，寶蓮之房，雲碧之房，瑤芝之房，靜神之房，息心之房，寂觀之房，等相之房，明玄之房，寶命之房，安志之房，滅念之房。皆自然化出，微妙莊嚴。或結氣所成，或凝雲而作，或九光洞照，或七寶光明，或空裏自移，或迎風獨轉，隨心所念，應境而來。復有寶蓮之池，浮金之池，清香之池，沐浴之池，含香之池，浮香之池，澄

空之池，耀月之池，洞天之池，洗心之池，淨境之池，照神之池。皆清明洞徹，常湛不流，七寶爲岸，裹有金沙。復有智慧之水，濯靈之水，洞明之水，開心之水，滿虛之水，負明之水，常輪之水，環光之水，流香之水，香烟之水，照心之水，澄神之水，定心之水。皆香美芳潔，晝夜常流。復有延靈之草，長命之草，安神之草，保年之草，神仙之甘露之草，霄□^①之草，華烟之草，明心之草，養神之草，和氣之草，无憂之草。皆金玉葉，不落不凋，含露迎風，飛香散馥。復有環剛之菓，蓮瓊之菓，分香之菓，合景之菓，香露之菓，鳳頭之菓，鸞心之菓，景龍之菓，明鵠之菓，磬風之菓，千金之菓，九瓊之菓。皆隨時結實，應念所甘，味列千般，形分萬品。復有耀金之花，照玉之花，飛香之花，浮霄之花，起雲之花，合露之花，迎風之花，照神之花，洞景之花，寶光之花，如意之花，觀心之花。皆如金如玉，洞景流光，隨處即生，香聞數里。復有說法之鳥，講經之鳥，共命之鳥，合氣之

鳥，同心之鳥，銜香之鳥，吐玉之鳥，漱珠之鳥，玉光之鳥，金耀之鳥，香羽之鳥，金翅之鳥。皆有五色，毛羽光明。復有開明之獸，金精之獸，披光之獸，玉面之獸，吐香之獸，鼓樂之獸，鳴鍾之獸，叩瓊之獸，散花之獸，吟靈之獸，舞空之獸，歌仙之獸。皆音聲和雅，識解人心。復有千合之香，萬和之香，百和之香，十和之香，生神之香，反魂之香，化形之香，飛景之香，凝空之香，結雲之香，度命之香，和樂之香，壽命之香。復有名香之樹，寶器之樹，音樂之樹，衣服之樹，飲食之樹，香花之樹，七寶之樹，九光之樹，龍霄之樹，鳳雲之樹，觀虹之樹，披金之樹。其樹大者高三十里，次者廿里，小者十里，皆不凋不落，花葉常榮。名香寶器，音樂衣服，飲食等輩，皆出花中，自然清淨，稱念而來。復有鳳皇孔雀，青鸞白鶴，幽昌集明發生，鸚鵡金翅等鳥，栖鳥其間，飛鳴翔舞，吟詠洞章。復有神龍靈虎，騏驎猛獸，天鹿辟耶，師子金精，遊戲其間，鳴鐘叩磬，吐玉銜珠。復有千

葉之蓮，九色之蓮，百丈之蓮，萬葉之蓮，香風之蓮，甘露之蓮，隨處而生，縱廣三里五里。國中男女，於中止息遊戲，聽經說法，自在逍遙。復有天花天菓，天香天供，天衣天樂，遍滿空中，應念而至，安樂衆生。復有車馬輿輦，皆是七寶九光，因風御氣，任意東西。復有天男天女，仙童仙媛，行道誦經，乘空出虛，散花燒香，飛行問法。復有天王仙伯，善以道德，和雅人民。復有天師太上，翼贊天尊，教化說法，開悟无边。國中男女，常誦經聞法，散花燒香，面對天尊，諮求上道。金容玉貌，相好端雅，无有憂悲。以黃金薦地，白玉緣階，内外光明，清淨第一。若男女臨終，隨願往生。

天尊告諸仙曰：夫罪極報對，宿命因緣，皆是衆生業緣所感。猶如鏡像，隨分見形，好醜短長，永不差失。若持齋奉誠，行道誦經，發願懺悔，造像寫經，建立玄壇，脩營靈觀，供養三寶，布施貧窮，放贖衆生，作諸功德，常行敬信，清淨六根，制斷欲心，不造諸

惡，正心至念，隨願往生，克之淨土，快樂無爲。若行妄想，煞生偷盜，邪媼放蕩，慳貪瞋怒，顛到愚癡，綺言妄語，惡口兩舌，祝咀罵詈，輕慢三寶，皆毀經文，不敬出家，五逆不孝，造諸惡業，不信善緣，一旦捨生，即入九幽地獄，受諸苦惱，萬劫沈淪，後得受生，處於穢土，形容醜陋，年命夭傷，聾盲六疾，怨家惡對，蟲獸虎狼，荆棘毒草，桎械枷鎖，飢寒困苦，種種惡緣，鎮相仇對，辛酸惱難，一切及身，晝夜煩冤，不曾歡樂，輪迴生死，永劫未期。皆是衆生業緣所得。吾今爲汝說此因緣，汝等勤心勸示男女，勤修善道，淨土生神，隨願應心，永不差矣。

是諸仙等，聞天尊說此十方淨土，國界莊嚴，歡喜踴躍，同聲稱善，稽首而退。

太上洞玄靈寶淨土生神經

- ⑧「子」字據前後文例補。
- ④「殿」字據前後文例補。
- ⑤「軍」字據前後文例補。
- ⑥「花」字據前後文例補。
- ⑦制：原誤作「將」，據前後文例改。
- ⑧⑨⑩原本此處缺一字。

(王卡點校)

①敦煌本卷首標題句末原有「一卷」二字，刪。
②反：原作「及」，據文義改。